



Title	漢詩一首
Author(s)	財津, 桃溪
Citation	懷德. 1932, 10, p. 108-108
Version Type	VoR
URL	https://hdl.handle.net/11094/88879
rights	
Note	

The University of Osaka Institutional Knowledge Archive : OUKA

<https://ir.library.osaka-u.ac.jp/>

The University of Osaka

昭和四年六月六日 車駕親臨大阪高等學校。賜謁教官。且閱諸生演技於
饗庭。余幸得陪之。感激不禁。恭賦長古一篇。以聊表傾葵之衷。

講師 財 津 愛 象

昭和己巳夏六月。天子駐蹕浪華城。仁皇故宮籠煙火。豐氏舊壘長柴荆。維日壬午祥雲動。錦旗燦爛照軒楹。
六百青衿齊稽首。五龍駕到肅候迎。鳳姿龍準天日表。違顏咫尺神光明。列朝元重庠序教。聖慈應納葵藿情。
鼓聲忽催演武技。分隊鬪亂雷霆驚。劍影煜燁何所似。越騎曉所甲公營。高材疾足學逐鹿。後先一一御風輕。
不羨周穆八駿馬。要軫豎亥萬里程。踢鞠軒轅練兵勢。群蛟爭珠決輸贏。石破天流壯心躍。肉薄相搏骨亦鳴。
礮響技能雲車促。彩旂離披起角聲。具瞻天顏有喜色。目送龍駕淚晶瑩。吾生何幸遭此日。文德武功四海貞。
只當努力報聖主。誓捧赤心竭至誠。

大阪高等學校校友會誌 聖駕奉迎錄所載